

cieve colligendum, tum à calculi vesicam opprimentis mole atque figurâ designandum. Audire mihi videor, qui sic arguant. Idem morbus eadem est tractandus methodo. Non diffitemur, modò methodus pro secandi loco non præposterè sumatur. Cum autem hic de sectione ad extrahendum è vesicâ calculum loquimur, nullus sanæ mentis à nobis intelligi velit sectionem eam cuius ope atque beneficio peperam credamus, extracto è vesicâ calculo, præsentem ægro medelam afferri; multa siquidem prohibent, ne sectio ad calculum omnino instruat. Quis etenim æconomix animalis iudex haud imperitus, qui homini, quem antiqui filicernium nuncuparunt, annis obfeto eam adhibendam esse imperaverit Chirurgiam, cuius opem non aliter sentiat, quàm deperditi sanguinis inopiâ, & vitæ proinde dispendio? Quis in febribus malignis, pestilentialibus; quis in variolis confluentibus febre stipatis, quis in lue venereâ in eum grassatâ modum, unde vitæ præsens impender periculum, eam monuerit Chirurgiam, quæ morbi ferocioris augendo ferociam, nihil præter mortem creet? Idem esto de plurimis aliis casibus iudicium, in quibus à vesicâ ferrum arceri pro re natâ omnino necessum est. Verùm cum id unum hic quaeratur, an adjunctarum rerum varietas variam postulet vesicæ sectionem? Patet secari quidem oportere, sed locum secandi præsertim eligi debere.

I I I.

VESICA in hypogastrio sita, fundo sursùm plerumque expanso, corpore extensili & collo coagmentatur; sic tamen ut figuram, diametrumque mutando in urethrae parietes inferius abeat atque ad penis extremum usque protendatur. Vesica è fibrarum muscularum parvum ordinatâ serie, exque tendinosarum stricto satis firmoque compingitur ordine. Haud procul à vesicæ collo vesicam ingrediuntur urethres duo renibus oriundi. Urinam hi, & cum urinâ calculi rudimentum in vesicam devehunt. Rudimentum verò illud quid esse quispiam suspicetur præter calculum ipsum, cuius nondùm satis auctâ mole vesicæ collum nec comprimitur satis, ut ponderis incumbentis sentiti possit dolor, nec interim excernendæ præpediatur effluxus urinæ. Nam cum & calculi pondus jam grandioris facti vesicæ collo innixi non levem corporis partibus inferioribus inferat molefiam, quantò majorem non inferioribus modò, sed superioribus corporis regionibus retentæ præter naturam urinæ noxam creabit exuberantia. 1º. Motus urinæ à renibus ad vesicam affluxuræ retardatur, undè gravissima consequuntur incommoda, quod præsentis instanti non est, ut fusiùs strictiusque exequiamur. 2º. Calculo tum pondere, tum figurâ naturæ conamen ad urinæ excretionem prohibente, quid non impendet mali? Hinc Chirurgiæ necessitas, ea tamen, quæ Medici iudicio debeat obtemperare. Incidendæ vesicæ locum quartis? De hoc loco non tam disputaverunt fusè, quàm garriverunt ineptè quidam, qui chartæ parcere noluerunt. Judicarunt hi vesicam in fundo; existimant illi in collo; propugnarunt ceteri in perinao ad scroti latus sectionem esse perficiendam. Ex hoc fonte quot libri, dicam, an satyræ emerferunt? Est enim, qui sectionem suprâ pubem suadeat, suadente primùm nec tamen persuadente Parisiensî Medico: est, qui vesicæ collum aperiri sic monet, ut si non brevior, at saltem tutior sit curatio. Ceteri, hæc præsertim in regione sic argumentantur. Ad scroti latus, in perinao facta sectio multos à morbo, si quis est, periculosissimo liberavit. Quid inde? tacent enim quinam hæc Chirurgiæ speciei perierint. Assimant alii factam suprâ pubem sectionem pro salutis anchorâ haberi debere. Quid inde, nisi ex hæc demonstrent Chirurgiâ vel nullos vel paucissimos homines interivisse. Docet post Galliam Angliâ, vesicæ collum esse præ ceteris partibus incidendum. Quid inde, si non satis superque pateat hoc Chirurgiæ genus aliquandò esse noxium, etiam si generi humano sapissimè saluberrimum esse comperiatur.

I V.

SUPRA pubem vesicæ fundus hoc secatur modo. Apertâ primùm cute in lineâ, quam albam vocant, inter musculos pyramidales, si qui sunt, ad ossum pubis commissuram sit incisio; dein vesicæ fundus scinditur, ex apertò denique loco calculus sive manu educitur, sive ferro aliove quovis instrumento extrahitur. Hoc cum rectè fieri contingit, mirum quantum inde redundet utilitatis. Sed si fuerit omafo plus æquo distentum abdomen, quæ spes operis feliciter exequendi? si vesicæ fundus suprâ ossâ pubis non promi-

3

neat, si formetur in angulum, quasi trianguli, nec ciculi segmentum repræsentet, an non irritò, & periculoso conatu Chirurghi manus admoveretur? Si denique intericæ duas inter paritonei laminas glandulæ, eam duritiem molemq; naçtæ, ut sæpè fit, quàm morbum per se intratu difficillimum nemo non judicaverit, à suscipiendo opere prohibuerint, an hanc Chirurgiæ speciem usurpaveris? Accedit & illud, quòd si injecto quovis liquore vesicæ parietes præter modum distendantur, periculum est, ne aut distumpantur, aut tonum sic amittant, ut ad urinæ excretionem parùm idonei sint futuri. Cautus igitur esto in eligendo & injiciendo liquore; virium habeatur ratio, vesicæ firmitudo debilitatæ probè explorentur, vesica denique ipsa non subitò, sed pedetentim extensioni sui paulatimque assuecat. Vides quot scyllæ, quot charybdes in hoc opere sint vitandæ. Nec sua non etiam habet incommoda encheiresis illa, quæ vesicæ collum inciditur. Operationem vocant lateralem. Nam ut peragatur, musculi secantur, qui si crassiores sunt, & succo, quam par est, turgidiores, quid à sectione factâ plerumque expectandum? inflammatio, febris, copiosissima supuratio; undè morbus diuturnior, & curatio proinde difficilior, quòd in ejusmodi casibus æris mutationes, error in diætâ, ægrorum hominum diù lecti non patiens inquietudo, Chirurghi spem elidunt. Omitto Chirurghi manum in alium, quàm in eum, quò retendit scopum, funesto eventu sæpius aut impelli, aut deflecti, quòd etiam in encheiresi suprà pubem accidisse observatum est. Ad scroti latus in perinæo sectio suos patitur manes, suis quandòque stipatur vitis, undè mors consequitur. Quis enim necit uterhæ bulum in hac Chirurgiâ incidi. Quis ignorat musculos tum erectores, tum acceleratores ab impaçto semel ferro irritari, etiam si vulneris orificium, extrahendo calculo destinatum, satis amplum patensque à Chirurgo fiat; tamen musculorum irritatorum constrictione minui, atque coarctari. Quòd si justo grandior, aut asper angulosive fuerit calculus, quis incisio perinæo ægti salutem non maximè periclitari affirmabit? hinc exiturus calculus ex ostio, nunc minor ac proinde contundendo, nunc pari sed dilacerando, numquid non in vulneris labia se impetit, ut exilissimorum vasorum extrema hiare cogat, & contentum in eorum cavo succum quaquaversum profundere. Quid inde nascatur mali, lippis, ut aiunt, & tonsoribus haud est incognitum. Est & illud animadvertendum, quòd si vulneris ostium nec extrahendo calculo, mole grandiori, facilem sternat viam; & forcipis ab imperitâ manu sæpius intromissi huc illuc temeraria jactatio eandem ferè labem vulneri infligat, quàm prodeuntis calculi auctior intulisset magnitudo, inflammationem accersi, gangranam invitari, non nisi morte tetminandam. Ponamus adhuc quempiam non solum calculo, sed etiam scrobulo laborare; fingamus animo aliquem bubone venereo, & saxeæ scroti duritie confictatum; intueamur fœminam tum infantis quarentis exitum, tum calculi sui postulantis extractionem, duplici pondere gravatam. Quis æquus rei Medicæ æstimator, his in casibus, urethræ bulum, per sectionem à scroti latere in perinæo, proscindi non prohibebit?

V.

ERUNT, qui clamitent, nullam ergò vis extrahendi calculi encheiresin institui, eum undique majus immincat periculum, quàm spes alicubi sanationis affulget? absit: Nulla non encheiresis institui, nulla non Churgia debet in usum vocari, quam & ratio suadet, & experientia non temerè repetita usurpandam esse persuadet. Quod igitur est, quomobrem omnes Chirurgiæ species nullo discrimine habueris, vel hac illi non anteponueris? Respondemus: facit vesica, faciunt ambientes vesicæ partes, faciunt persistentes adhuc in vicinis locis morbi reliquiæ, facit denique calculi moles aut figura, ut nunc suprà pubem in vesicæ fundo, nunc in collo, nunc in perinæo sectionem ad calculum fieri necessum esse quivis nec Anatomix rudis, nec morborum imperitus certò pronuntiaverit. Vesicæ enim alias esse præ aliis fortes, esse præ aliis flexiles, & expandi dociles, certissimum esse deprehenditur. Hujusmodi vesicæ quoties inveneris, suprà pubem fecari jube; nisi aut omentum justo pinguius, aut morbus alius vel ipso treulentiore calculo, à suscipiendo deterreat opere. Silemus enim ea, quæ perspecta satis à Medico atque explorata, Chirurghi ferrum à vesicâ movent amoveri, ut propterantis lethi gradus possit aliquatenus retardari. Calculus igitur mole maximus hac detrahitur viâ; calculus angulis, iisque acutis

4

asper ex hoc educitor exitu. Quid de gravidarum mulierum, partui jam proximarum, forte censibis? an operatio, quam lateralem appellant, an autem ea, quæ magni apparatus nomine perficitur adhiberi debeat, à quovis quare corporis humani mechanices haud ignaro: negabit statim in inferioribus vesicæ partibus sectionem esse molendam. Jam ad vesicæ collum progrediamur. Est ubi sectio suprà pubem non debet institui, quod vesicæ fundus nec naturâ, nec etiam arte suprà ossa pubis extuberet, cum interim nec in vicinis, nec in ambientibus locis quidpiam impediat, quominus hæc Chirurgia feliciter cedat. Est ubi vesicæ fundus in conum desinit formamve triangularem. In primo casu nihil aggrediendum, in altero nihil expectandum boni à ferri acie, nonnisi vicinas partes læsura. Vesicæ collum igitur secetur, hæc tamen lege, ut incidendi, antequam ad vesicæ collum deveniatur, muscoli non sint æquo crassiores; utque in prostaticis, atque adeò in vesicæ collo nullum superfit vitium, à quibusvis prægressis morbis oriundum. Hoc operandi genus inchoavit Gallia, Batavia perfecit, Anglia demum non sine felici successu absolvit. Vidit Academia Parisiensis quam plurimos hujus beneficio Chirurgiæ, pristinae valetudini restitutos. Stupuit quorundam hominum invidiam, qui probro vertissent Chirurgus, si quis est, peritissimo, quod à latere cum secuisset, semel iterumque mors esse consecuta. Calumniam refellerunt cadavera. Quod spectat bulbi sectionem ad calculum, Gallia debetur, undè in ultimas terrarum oras salubriter est propagata. Est hæc Chirurgiæ species ea, quæ numerum hominum eripuit ex orci faucibus vix numerabilem, sua namque habet commoda, cum ab alienis sit incommodis immunis. Non hic crassiores secantur muscoli: non metus est, ne cavum abdominis cæcâ Chirurgi manu lancinetur in ægri perniciem, & artificis opprobrium. Erit fortè, qui objiciat, mirum accidere, quod, salvis ægri rebus, ex bulbi foramine grandior extrahatur calculus, minore verò extracto calculo, miserè pereat. Hoc quoties accidit, sectoris potius inscitia, quàm Arti impu-
tandum.

Ergò ad extrahendum è vesicâ calculum diversa pro re natâ debet usurpari Chirurgia,

DOMINI DOCTORES DISPUTATURI,

M. Ludovicus Palhiot.

*M. Joannes-Claudius Munier,
Consiliarius Medicus Regis ordi-
narius, & domus Regiæ In-
validorum.*

*M. Achilles-Francisus Fontaine,
Scholarum Professor.*

*M. Francisus - Nicolaus Gau-
tier.*

*M. Ludovicus - Renatus Mar-
teau, alius Preses.*

*M. Joannes - Baptista Chomet;
Medicus Regis ordinarius.*

M. Francisus Bidault.

M. Josephus Lallemant.

M. Hiacyntus-Theodorus Baron.

Proponebat Parisiis FLORENTIUS-CAROLUS BELLOT, Abbavillæus,
Baccalaureus Medicus, A. R. S. H. 1746. à sextâ ad meridiem.